



Damondas da baghegiar

Nr. 96/2022

Datum da publicaziun: 26-08-2022
Patrun: Albrecht Marcus e Hermina, 7175 Sumvitg
Representant: Rafael Guldumann GmbH, 7166 Trun
Liug e parcella: Sumvitg-Quadras Sut; 1841
Object: nova pumpa a calira

Nr. 97/2022

Datum da publicaziun: 26-08-2022
Patrun: Degonda Gabriel, 7176 Cumpadials
Liug e parcella: Cumpadials-Curschellas; 4090
Object: remplazzar ed engrondir la porta dil clavau

Nr. 98/2022

Datum da publicaziun: 26-08-2022
Patrun: Flepp-Pelican Felix e Benedicta, 7173 Surrein
Liug e parcella: Surrein-Planatsch; 819
Object: remplazzar pegna d'ieli cun scaldament geotermic

Nr. 100/2022

Datum da publicaziun: 26-08-2022
Patrun: Rothmund Patrick, 7166 Trun
Representant: Spacial design GmbH, 7166 Trun
Liug e parcella: Cumpadials-Curtinatsch; 3195
Object: midada d'intent da pistregn tier in atelier e sanaziun interna ed externa

Nr. 101/2022

Datum da publicaziun: 26-08-2022
Patrun: Maissen Silvan e Maria, 7173 Surrein
Representant: Spacial design GmbH, 7166 Trun
Liug e parcella: Surrein-Fontanetta; 820
Object: construcziun d'ina casa d'ina famiglia

Nr. 103/2022

Datum da publicaziun: 26-08-2022
Patrun: Kunz Daniel e Margot, 8634 Hombrechtikon
Representant: Curtins Alberto, 7130 Glion
Liug e parcella: Cumpadials-Curtinatsch; 3177
Object: construcziun d'ina garascha nova, construcziun d'in balcon vid la casa e sanaziun dil tetg dil clavau

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Scamond da far fiug absolut

Muort il prighel da fiug vala in scamond absolut da far fiug en vischnaunca Sumvitg. Scumandau eis ei

- da far fiug el liber,
- da far fiug en fueinas ordeifer il territori habitau
- ed igl envidar fiugs artificiali.

Havess la situaziun da semidar vegn informau sin la pagina d'internet www.sumvitg.ch.

Nus supplichein da risguardar il scamond. Per damondas stat l'administraziun communal bugen a Vossa disposiziun.

Sumvitg, 26-08-2022

Suprastonza communal

Uffeci civil Surselva

Mortori

Beer Marcel, naschius ils 13-05-1925, morts ils 13-08-2022, staus sesents a Cumpadials, Casa Sogn Giusep.

Sumvitg, 26-08-2022

Controlla da habitonts

Cuors per la raccolta da lenna a Sumvitg

Igl uffeci forestal da Sumvitg organischescha ensemen cun igl uffeci d'uaul e prighels da natira dil Grischun in cuors fundamental per la raccolta da lenna. Il cuors vegn menaus d'in instructor professional e cuoza 5 dis naven dils 10-10-2022 entochen ils 14-10-2022 (jamna 41) a Sumvitg. Ils cuosts muntan ca. frs. 450.-- per participont. La participaziun al cuors vegn confirmada a scret cun ina cumpetenza da scolaziun minimala per luvrer d'uaul. Mintga participont ha da cumparer cun in equipament personal da protecziun irreproschabel.

Per annunzias tochen ils **9 da settember 2022** ni ulteriur sclariment stat il selvicultur da revier, Beat Cadruvi, bugen a disposiziun (tel. 081 920 25 06 ni uffeci.forestal@sumvitg.ch). Il diember da participonts ei limitaus. Las annunzias vegnan risguardadas tenor la successiun d'entrada!

Sumvitg, 26-08-2022

Uffeci forestal

Societad da tir Vial Sumvitg

Tir obligatori 2022

La Societad da tir Vial Sumvitg envida al tir obligatori ils suandonts termins:

Anceinza, ils 26 da matg 2022, dallas 16.00–20.00

Dumengia, ils 28 d'uost 2022, dallas 17.30–20.00

Adatg! Tiradurs obligai ston presentar il camond da tir sco era il cudisch da sittar resp. il carnet da prestaziun. Quei tir sa sulettamein vegnir sittaus mo quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

Uniun Archiv cultural Sumvitg – invitaziun alla radunonza generala

L'uniun Archiv cultural Sumvitg envida commembras e commembers e tut tgi che ha interess alla radunonza generala che ha liug **venderdis, ils 2 da settember 2022 allas 19.00 en casa da scola a Surrein**

Tractandas

1. Beinvegni
2. Elecziun da 2 dumbravuschs
3. Approbaziun dil protocol dalla radunonza dils 28-08-2021
4. Approbaziun dil rapport annual 2021
5. Approbaziun dil rendaquen 2021 e dil rapport dils revisurs
6. Fixaziun dalla contribuziun annuala
7. Elecziuns: suprastonza e revisurs da quen
8. Tractaziun dil program da lavur
9. Tractaziun da propostas da commembras e commembers
10. Orientaziuns
11. Varia

Suenter la radunonza astgein nus beneventar **Peter Egloff** tier in "**artg personal**".

Naven dallas 18.00 ei igl archiv aviarts per tuts interessai.
Suenter la radunonza ein tuts envidai ad in pign apero.

Cordialmein envida *la suprastonza*

Sumvitg Turissem

Fiasta d'avertura dil parc da bike Igniu (Rabius) Sonda, ils 27 d'uost 2022, dallas 10.00–14.00.

Cordialmein envida *Sumvitg Turissem*

Eröffnungsfest vom parc da bike Igniu (Rabius) Samstag, 27. August 2022, von 10.00–14.00 Uhr.

Herzlich lädt ein *Sumvitg Turissem*